

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ապրիլի 2014թ.

N ____ -Ն

ՈՐՈՇՈՒՄ

**ԿԱՐԵՆ ԴԵՄԻՐՃՅԱՆԻ ԱՆՎԱՍԲ ՓՈՂՈՑ
ԱՆՎԱՆԱԿՈՉԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 23-րդ կետի դրույթներով, Հայաստանի Հանրապետության կառավարության 2005 թվականի դեկտեմբերի 29-ի հ. 2387-Ն որոշմամբ հաստատված կարգի 4-րդ կետով՝

Երևան քաղաքի ավագանին որոշում է.

1. Երևան քաղաքի Արամի և Բուզանդի փողոցների՝ Մ.Սարյան փողոցից մինչև Մ.Մաշտոցի պողոտա ընկած հատվածներն անվանակոչել Հայաստանի Ազգային հերոս, պետական, քաղաքական գործիչ Կարեն Դեմիրճյանի անվանք:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ԿԱՐԵՆ ԴԵՄԻՐՃՅԱՆԻ ԱՆՎԱՍԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

Սույն որոշման նախագիծը ներկայացվում է Երևան քաղաքի ավագանու քննարկմանը՝ հիմք ընդունելով ՀՀ Նախագահի **27.12.1999թ.** հրամանագիրը և հայ ակնավոր քաղաքական, պետական գործիչ Կարեն Դեմիրճյանի այրի՝ Ռիմա Դեմիրճյանի **31.03.2014թ.** գրությունը՝ հասցեագրված Երևանի քաղաքապետին, Երևան քաղաքի Արամի և Բուզանդի փողոցների՝ Մ.Սարյան փողոցից մինչև Մ.Մաշտոցի պողոտա ընկած հատվածները Կարեն Դեմիրճյանի անվամբ անվանակոչելու համար:

Կարեն Սերոբի Դեմիրճյանը ծնվել է **1932** թվականի ապրիլի 17-ին, Երևանում, ծառայողի ընտանիքում: Միջնակարգ կրթությունն ստացել է **26** կոմիսարների անվան դպրոցում: **1949** թվականին ընդունվել է Երևանի Կ.Մարքսի անվան պոլիտեխնիկական ինստիտուտի մեխանիկական ֆակուլտետը, որն ավարտել է **1954թ.**, ստանալով՝ ինժեներ-մեխանիկի մասնագիտություն:

Կ.Դեմիրճյանն իր աշխատանքային գործունեությունն սկսել է **1954** թ. Լենինգրադում:

Կ.Դեմիրճյանի աշխատանքային գործունեության առաջին տասնամյակը կապված է եղել Երևանի էլեկտրատեխնիկական գործարանի հետ:

1966թ. Կ.Ս.Դեմիրճյանն ընտրվել է Հայաստանի Կոմկուսի Երևանի քաղկոմի քարտուղար, **1971** թ. նոյեմբերի 1-ին՝ երկրորդ քարտուղար:

1972 թ. Կ. Դեմիրճյանն ընտրվել է ՀԿԿ ԿԿ քարտուղար և բյուրոյի անդամ:

1974 թ. նոյեմբերին Կ. Դեմիրճյանն ընտրվել է ՀԿԿ ԿԿ առաջին քարտուղար:

1974 թ. սկսած Կ.Ս. Դեմիրճյանը բազմիցս ընտրվել է ՀԿԿ կենտկոմի, ԽՍԿԿ կենտկոմի անդամ, ԽՍՀՄ IX–XI գումարումների և ՀԽՍՀ Գերագույն խորհրդի դեպուտատ: Պարգևատրվել է՝ Լենինի, Աշխատանքային Կարմիր Դրոշի, Հոկտեմբերյան Հեղափոխության շքանշաններով, միութենական և այլ երկրների կառավարական պարգևներով:

1991-1999 թթ. Կ. Դեմիրճյանը գլխավորել է Հանրապետության խոշորագույն ձեռնարկությունները մեկը՝ «Հայէլեկտրամեքենա» ԱՓԲԸ-ն:

1998թ.-ին հիմնադրել է Հայաստանի ժողովրդական կուսակցությունը (ՀԺԿ):

1999թ.-ի ՀՀ խորհրդարանական ընտրությունների ժամանակ եղել է ՀԺԿ և Հանրապետական կուսակցության համագործակցությամբ ստեղծված «Միասնություն» դաշինքի համանախագահը:

1999 թ. մայիսին Կ. Դեմիրճյանը ընտրվել է Ազգային Ժողովի նախագահ:

Հետմահու հայ ականավոր պետական, քաղաքական գործիչ Կարեն Սերոբի Դեմիրճյանին շնորհվել է Հայաստանի Ազգային Հերոսի կոչում և Հայրենիքի շքանշան:

Կարեն Դեմիրճյանի ղեկավարության տարիներին (**1974-88**թթ.) շահագործման են հանձնվել «Զվարթնոց» և Գյումրիի օդանավակայանները, Երևանի մետրոպոլիտենի առաջին հերթը, Մարգահամերգային համալիրը (**1999**թ.-ից՝ Կարեն Դեմիրճյանի անվան), կառուցվել են Արփա-Սևան թունելը, «Հրազդանմաշ», «Պոզիստոր», «Իմպուլս», «Մարս» և այլ գործարաններ, Մասիս-Նուռնուս և Հրազդան - Իջևան երկաթուղային մայրուղիները, գրապալատը և այլն:

Կ.Դեմիրճյանի անվամբ են կոչվել Երևանի մետրոպոլիտենը **հ.139** դպրոցը, Մարգահամերգային համալիրը: **2004** թվականից Երևանում գործում է Կարեն Դեմիրճյանի թանգարանը:

Հաշվի առնելով քաղաքական, պետական գործիչ, Հայաստանի Ազգային հերոս Կարեն Սերոբի Դեմիրճյանի մեծ ավանդն և ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի **12**-րդ հոդվածի **1**-ին մասի **23**-րդ կետի դրույթներով, Հայաստանի Հանրապետության կառավարության **2005** թվականի դեկտեմբերի **29**-ի **հ. 2387**-Ն որոշմամբ հաստատված կարգի **4**-րդ կետով Երևան քաղաքի ավագանու քննարկմանն է ներկայացվում սույն առաջարկությունը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ԿԱՐԵՆ ԴԵՄԻՐՃՅԱՆԻ ԱՆՎԱՄԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Կարեն Դեմիրճյանի անվամբ փողոց անվանակոչելու մասին» որոշման նախագծի ընդունման կապակցությամբ Երևանի բյուջեում լրացումներ և/կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

«ԿԱՐԵՆ ԴԵՄԻՐՃՅԱՆԻ ԱՆՎԱՄԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Կարեն Դեմիրճյանի անվամբ փողոց անվանակոչելու մասին» որոշման նախագծի ընդունման կապակցությամբ այլ իրավական ակտերում լրացումներ և/կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ